



藏經書院版

卍  
續藏經

第 135 冊

中國撰述

史傳部

新文豐出版公司  
印行

南無本師釋迦牟尼佛



# 卍續藏經 第一三五冊目錄

新文豐出版公司影印卍續藏經會編印

## 中國撰述 史傳部

東林十八高賢傳一卷	唐道 詵撰	0001
往生西方淨土瑞應刪傳一卷	唐道 詵撰	0021
淨土往生傳三卷	宋戒 珠撰	0032
新修往生傳下卷	明道 衍撰	0071
諸上善人詠一卷	明道 衍撰	0089
往生集三卷	明株 宏輯	0126
淨土聖賢錄九卷	清彭希涑述	0187
淨土聖賢錄續編四卷附種蓮集一卷	清胡 珽述	0387
西舫彙征二卷	清瑞 璋輯	0465
修西聞見錄七卷	清咫 觀輯	0539
天聖廣燈錄三十一卷	宋李遵勗勅編	0595

五家正宗贊四卷

末紹曇記

0903

W176/05

0002







11

11

003



東林十八高賢傳序

往余令鍾陵。曾過東林寺。虎谿橋上。遠公社。竟作牛馬走。驢驛之場。為之慨然。去今十餘年。乃得東林十八高賢傳讀之。諸公皆夔壤富貴。膏肓泉石。心超淨穢之區。境際人天之勝。令人脉脉。心動。撫從亡階。況親承接。引妙契。因依。豈必入淨土而極樂。上蓮座而與瞻哉。此傳刻在廬山。未獲流布。樂愚上人謀新業于棲賢山中。尋授吳門毗耶室梓。行予故喜而序之。使信奉此傳。人人見遠師。人人會廬山也。余謂上人尚宜索龍眠十八賢圖附之。以傳千載。何羨蘭亭輞川哉。昔宗少文對衡陽王有言。祿如秋草。時過即腐。試問學道人。此片白蓮花。有腐敗不也。

武林寓生 黃汝亨 書

東林十八高賢傳目次

序 慧遠法師 慧永法師

慧持法師 道生法師 曇順法師

僧叡法師 曇恒法師 道响法師

曇詵法師 道教法師 佛馱耶舍尊者

佛馱跋陀羅尊者 劉程之

張野 周續之 張詮

宗炳 雷次宗 百二十三人傳

不入社諸賢傳

跋

東林十八高賢傳

慧遠法師

法師慧遠。姓賈氏。廬門樓煩人。幼而好學。年十三。隨舅令狐氏遊學許洛。博綜六經。尤善莊老。宿儒先進。莫不服其深致。二十一。欲度江。從學范甯。適石虎暴死。南路梗塞。有志不遂。時沙門釋道安。建刹於太行常山。一面盡敬。以為真吾師也。初聞安師講。般若經。豁然開悟。歎曰。九流異議。皆糠粃耳。遂與母弟慧持。投簪受業。稍思諷誦。以夜繼晷。因求直道場。沙門曇翼。每給燈燭之費。安師聞之。曰。道士誠知人師神明。英越志與理冥。至二十四。大善講。真有客聞說實相。

義往復問難彌增疑昧師爲引莊子之說以相比類  
惑者釋然安師因許令不廢外典常臨衆歎曰使道  
流東國者其在遠乎後隨安師南遊襄陽值秦將符  
不爲寇乃分張徒屬各隨所往者德陽岐皆蒙誨益  
唯師不聞一言卽跪請曰獨無調勸懼非人類安師  
曰如汝者復何所慮師乃與弟子數十人南適荊州  
居上明寺念舊與同門慧永約結屋於羅浮太元六  
年晉孝武帝至尋陽見廬山間曠可以息心乃立精舍以  
去水猶遠舉杖扣地曰若此可居當使朽壤抽泉言  
畢清流涌出尋陽亢旱師詣池側讀海龍王經忽見  
神蛇從池而出須臾大雨歲竟有秋因名龍泉精舍  
永師先居廬山西林欲邀同止而師學侶寢衆永乃  
謂刺史桓伊曰遠公方富弘道而貧道所棲隘不可  
處時師夢山神告曰此山足可棲神願毋它往其夕  
大雨雷震詰旦林麓廣闊素沙布地榭栴文梓充布  
地上不知所自至伊大敬感乃爲建刹名其殿曰神  
運以在永師舍東故號東林時大元十一年也此山  
儀形九疊峻從天絕而所居盡林壑之美背負鐘峯

旁帶瀑布清流環階白雲生棟廬山記注裕先生股  
即岩成館人稱神仙之窟因名廬山尋陽記山高三千  
三百六十丈周二百五十里其山九疊水亦九派郡國  
志晉陸九層別營禪室最居靜深凡在瞻履神清氣  
肅師聞天竺佛影是佛昔化毒龍瑞迹欣感于懷後  
因邢舍律士叙述光相乃背山臨流營築龕室淡采  
圖寫望如煙霧復製五銘刻于石江州太守孟懷玉  
別駕王喬之常侍張野晉安太守殷隱黃門毛修之  
主簿殷蔚參軍王穆夜孝廉范悅之隱士宗炳等咸  
賦銘贊見廬山集先是尋陽陶侃刺廣州漁人見海中有  
神光網之得金像文殊誌云阿育王所造後商人於  
海東獲一圓光持以就像若彌縫然侃以送武昌寒  
溪主僧僧珍常往夏口夜夢寺火而此像室獨有神  
護馳還寺果焚像室果存及侃督江州迎像將還至  
舟而溺荆楚爲之謠曰陶惟劔雄像以神標雲翔泥  
宿邈何遙遙可以誠至難以力招及寺成師至江上  
虔禱之像忽浮出遂迎至神運殿造重閣以奉之因  
製文殊瑞像讚管謂諸教三昧其名甚衆功高易進  
念佛爲先既而謹律息心之士絕塵清信之賓不期

而至于慧永同師安公慧持遠師同道生曇順並羅什門

弟僧叙曇恒道曷曇誦道敬並遠師佛馱邪舍此云

國寶佛馱跋陀羅此六覺賢遊名儒劉程之號蓮張

野周續之張詮宗炳雷次宗等結社念佛世號十八

賢復率眾至百二十三人同脩淨土之業造西方三

聖像建齋立誓令劉道民著發願文而王喬之等復

為念佛三昧詩以見志師神貌嚴肅瞻仰者則心戰

沙門有持如意致獻者不敢陳白竊留座隅而去法

師慧義強正少可謂師弟子慧寶曰諸君膚淺故於

遠公望風推服常至山值師講法華欲致難輒內悖

流汗出謂慧寶曰此公言貌誠可敬服殷仲堪任荆

州入山展敬與師俱臨北澗松下共談易道終日忘

倦仲堪歎曰師智識深明實難庶幾師亦曰君之才

辨如此流泉後人名其處司徒王濬護軍王默並欽

慕風德遂致敬禮王謚有書性反盧循據江州入山詣師

少與循父遐同為書生及見循歎然道舊其徒諫曰

循為國寇得不為人疑師曰我佛法中情無取舍識者自能察之此何足懼及宋武進討循設帳桑尾左

右曰遠公素王廬山與循交厚宋武曰遠公世表之

人何可疑也乃遣使馳書遺以錢帛有行者來侍師

善驅蛇蛇為盡去因號辟蛇行者有一虎往來時見

行迹未嘗傷人人號遊山虎師與社眾每遊憩上方

峯頂思去水遠它日有虎跑其石水為之出因號虎

跑泉又於一峯製涅槃疏因名擲筆峯初是大教流

行江東經卷未備禪法無聞律藏多闕師乃命弟子

法淨法頌等遠越葱嶺曠歲來遠皆獲梵本昔安公

在關中請曇摩難提出阿毗曇心論其人未善晉言

頗多疑滯後僧伽提婆至即請重譯及三法度論於

是二論乃與師即製序以貽學者聞鳩摩羅什入關

遣書通好什答書曰傳譯來貺粗聞風德經言末代

東方有護法菩薩欽哉仁者善弘其道曇摩流支入

秦師遣弟子曇邕請於關中出十誦律流傳晉國西

土諸僧咸稱漢地有大乘開士每東向致禮獻心盧

岳及佛馱跋陀羅至師即請出禪數諸經於是禪戒

典出自廬山幾至百卷先是此土未有泥洹常住之說但言壽命長遠師曰佛是至極至極則無變無變

之理豈有窮耶乃著法性論十四篇羅什見而歎曰  
邊方未見經便闡與理合秦主欽風以大智度論新  
譯致書求序師以其文繁廣乃抄其要為二十卷而  
為之序羅什譯智論凡百卷桓玄征殷仲堪要師出虎溪稱疾  
不往玄將入山左右曰昔殷仲堪禮敬於遠請公勿  
屈玄曰仲堪死人耳及玄見師不覺屈膝所懷問難  
不復敢發及語至征討師即不答玄後以震主之威  
勸令登仕師正辭以答玄不能強既而欲沙汰衆僧  
下教僚屬曰沙門之徒有能申述經誥禁行修整者  
始可以宣寄大化其有違於此者悉當罷黜唯廬山  
道德所居不在搜簡之列師因致書廣立條制玄悉  
從之初庾冰輔政以沙門應敬王者何充奏不應禮  
及玄在姑熟復申冰議師答書曰袈裟非朝宗之服  
鉢盂非廊廟之器塵外之客不應致敬王者乃著沙  
門不敬王者論五篇一明在家者有天屬之愛奉主  
之禮二明出家以求志變俗以達道豈得與世典同  
其禮敬三明求宗不順化宗謂泥洹不變以化盡為  
宅泥洹即涅槃不順化者其生可滅其神可冥冥神

絕境謂之泥洹而不隨順於生生化化流動無窮之  
境斯所以不事王侯高尙其事豈復有所禮敬者哉  
四明體極不兼應謂歷代君王體極之主但務方內  
而不可並御于方外故曰不兼應天地之道功盡于  
運化帝主之德理極于順通與夫獨絕之教不變之  
宗優劣明矣若夫如來之道則無所不應矣五明形  
盡神不滅謂火之傳于薪猶神之傳于形火之傳異  
薪猶神之傳異形方生方死往來無窮但悟澈者反  
本惑理者逐物耳有頃玄篡位即下書曰佛法宏麗  
所未能了初推奉主之情故令與敬今事既在已宜  
盡謙光諸道人勿復致禮也桓玄西奔安帝自江陵  
還京師輔國何無忌勸師侯迎師稱疾不行帝遣使  
勞問師上書謝病帝復下詔慰答師嘗講喪服經是  
禮記小記大雷次宗宗炳等並執卷承旨次宗後著  
義疏首稱雷氏宗炳寄書責之曰昔與足下面受于  
釋和尚今便稱雷氏耶陸德明毛詩音義云周續之  
與雷次宗同受持義于蓮法  
類也 釋惠要患山中無刻漏乃與水上立十二葉  
芙蓉因波隨轉分定晝夜以為行道之節謂之蓮花

漏僧澈善篇。廣管至山南。攀松而嘯。和風遠集。衆鳥  
 悲鳴。超然有自得之趣。退謫于師。曰。律禁管絃歌舞。  
 若一吟一吹。可得爲乎。師曰。苟以亂意。皆爲非法。徹  
 唯而止。師居山三十年。迹不入俗。唯以淨土克勤。于  
 念初。十一年澄心。緊想三觀。聖相沉厚。不言。後十九  
 年七月晦夕。於般若臺之東。龜方礎定。起見阿彌陀  
 佛身。滿虛空。圓光之中。有諸化佛。觀音勢至。左右侍  
 立。又見水流光明。分十四支流。注上下。演說苦空無  
 常。無我之音。佛告之曰。我以本願力。故來安慰汝。汝  
 後七日。當生我國。又見佛馱邪舍。慧持義熙八年先逝。永  
 義熙十先逝。劉遺民義熙六年先逝。在佛之側。前揖師曰。師志在  
 先。何來之晚。師語法淨。惠實曰。吾始居此十一年。中  
 三見佛相。今復見之。吾生淨土。必矣。又曰。七日之期  
 斯爲漸矣。卽寢疾。製遺誡曰。吾昔以知命之年。託業  
 此山。自審有必盡之期。便欲絕迹外緣。以求其志。良  
 由性弱於斷。遂令同趣相引。時賢過眷。情以類感。不  
 覺形與運頽。今年已八十三矣。仰尋遠離之誨。俯慨  
 自負之心。徒令此生虛謝。以悼往疾之深。今于至時

露骸松林之下。卽嶺爲墳。無土木同狀。此乃古人之  
 禮。汝等勿違。苟神理不昧。庶達其誠。大哀世尊。亦當  
 祐之以道門。徒號慟若喪。父母師以世情難割。乃制  
 七日展哀。至期始順寂。卽義熙十二年八月六日也。  
 弟子不忍露屍。與尋陽太守阮侃。奉全軀。舉葬于西  
 嶺。累石爲塔。謝靈運立碑。以銘遺德。張野作序。自稱  
 門人。宗炳復立碑於寺門。以表德業。師將終。著德請  
 以致酒治病。師曰。律無通文。請飲米汁。師曰。日過中  
 矣。又請食蜜和水。乃令披律。尋文卷未半。而終。所著  
 經論諸序銘贊詩記。凡十卷。號廬山集。刻梓在越府。自佛  
 圖澄道安師。遠法師。曇順僧。叙五世爲國師。云。唐宣  
 宗大中二年。追謚辯覺大師。昇元三年。追謚正覺。唐兩  
 李先主年號。卽晉高祖皇帝。天福四年也。大宋太宗太平興國三年。追謚  
 圓悟大師。凝寂之塔

慧永法師

西林法師慧永。河內潘氏。年十二出家。事沙門竺曇  
 現。初習禪於恒山。與遠師同依安法師。期結字羅浮。  
 及遠師爲安公所留。師乃欲先度五嶺。太元初。至尋

陽刺史陶範素挹道風。乃留憩廬山舍宅爲西林。以奉師布衣蔬食。精心克己。容嘗含咲。語不傷物。峯頂別立茅室。持往禪思。至其室者常聞異香。因號香谷。一虎同居。人至輒驅去。遠師來之。龍泉桓伊爲立東林。三十年影不出山。師居西林。亦如之。嘗因法事。至近邑。還山薄暮。烏橋營主醉騎馬當道。遮師不聽去。師以杖指馬。馬驚走。營主仆地。師捧慰之。遂還營。主病往寺。誨罪。師曰。非貧道意。爲禱之。尋愈。鎮南將軍何無忌鎮尋陽。至虎溪。請遠公及師。遠公持名望。徒百餘。高言華論。舉止可觀。師衲衣半脛。荷錫捉鉢。松下飄然而至。無忌謂衆曰。永公清散之風。乃多於遠師也。師溲。誠植。願動在安。養義熙十年。在疾。忽歛衣求履。欲起。衆驚問。師曰。佛來也。言終而化。異香七日。方歇。葬于寺之西南。春秋八十三。唐玄宗朝詔重建塔亭。追謚覺寂大師。實智之塔。

### 慧持法師

法師慧持。遠公同母弟也。幼讀書。一日所記常數十日。年十八。與兄同事安公。徧學衆經。遊刃三藏。及安

公在襄陽。遣遠公與師東下。遂止廬山。師形長八尺。清衣垂膝。徒屬三百。師爲上首。豫章太守范甯請師講法華經。阿毗曇論。四方雲聚。瑯邪王珣與范甯書問遠持。二公執愈。甯曰。誠謂賢兄。賢弟。均復書曰。但令如弟。誠未之有。況復賢邪。羅什在關中。遙相欽敬。每致書。通好。隆安三年。辭兄入蜀。遠公留之曰。人生愛聚。汝獨樂離。師曰。滯情愛聚者。本不應出家。今既割欲求道。正以西方爲期耳。卽悵然而別。至成都。郫縣居龍淵寺。大弘佛法。升其堂者。號登龍門。義熙八年。順寂。春秋七十六。臨終遺命。務嚴律儀。專心淨業。以東間經籍。付道泓。西間法典。付曇蘭。以泓行業清敏。蘭神悟天發。並能係軌。師蹤焉。

### 道生法師

法師道生。魏氏鉅鹿人。幼從竺法汰出家。披對經誥。一覽能誦。年在志學。便登講座。吐納明辨。雖宿望莫敢闕。抗初依廬山。常以入道之要。慧解爲本。乃與僧叔慧嚴。慧觀等遊學。長安從羅什受業。關中僧徒咸仰神悟。皆喟然歎曰。自經典東流。譯人重阻。多滯權

文鮮通圓義若忘筌得魚始可與言道矣於是校閱  
 眞俗精練空有研思因果乃立善不受報及頓悟成  
 佛義又著二諦論佛性常有論佛無淨土論應有緣  
 論並籠單舊說妙有淵旨守文之徒嫌嫉競起師又  
 以法顯三藏所翻泥洹經本先至六卷經云除一闍  
 提皆有佛性師云夫稟質二儀皆有涅槃正因闍提  
 含生之類何得獨無佛性蓋是經來未盡耳乃唱闍  
 提之人皆得成佛時大本未傳孤明先發舊學信黨  
 以爲背經遂顯大衆攙而遣之師正容誓之曰若我  
 所說背經當見身癘疾若與實相不肯願舍壽之日  
 闍師子座遂拂衣而行及後大經至聖行品云一闍  
 提人雖復斷善猶有佛性於是諸師皆爲愧服師被  
 擯南還入虎丘山聚石爲徒講涅槃經至闍提處則  
 設有佛性且曰如我所說契佛心否群石皆爲點頭  
 旬日學衆雲集忽雷震青園佛殿有龍升天因改寺  
 曰龍光師於寺請鬪賓律師譯沙彌塞律傳于世既  
 而辭衆復投廬山預蓮社久之還都止青霞寺末文  
 帝大會沙門親御地筵食至良久衆疑過中帝曰始

可中耳生乃曰白日麗天天言始中何得非中遂舉  
 箸而食一衆從之莫不嘆其機辯時王弘范泰顯延  
 之並挹敬風猷相從問道元嘉十一年十一月庚子  
 于廬山升座說法將畢衆見塵尾紛然墜地隱几而  
 化宛若入定諸師聞之益信前誓有證翌日葬于廬  
 山之西阜初闍中僧肇始註維摩詰經世咸玩味師  
 乃更發深旨人服其妙所述維摩詰法華泥洹小品  
 諸經皆有義疏時以師能推闡提得佛之義于是顯  
 其頓悟不受報等論

曇順法師

法師曇順黃龍人幼出家承訓羅什講釋經妙盡  
 色空無著之旨什歎曰此子奇器也後來廬山同脩  
 淨業寧蠻校尉劉遵孝於江陵立寺要師經始盛弘  
 念佛三昧之道宋元嘉二年別衆坐逝吳香滿室春  
 秋七十九

僧叡法師

法師僧叡冀州人遊學諸方嘗行經蜀西界爲人所  
 掠使牧羊有商客異之疑是沙門及問以經義無不

綜遠卽出金贖之後遊歷天竺諸國還至關中從羅什諸稟經義羅什翻法華經以竺法護本云天見人見天什曰以此言過質耳叡曰將非人天交接兩得相見什喜遂用其文久之來入廬山依遠公脩淨業旣而適京師止烏衣寺講說衆經聽者推服宋彭城王義康要入第受戒師曰禮聞來學王乃入寺祇奉戒法王以貂裘奉師常用敷坐王璽以錢三萬買之師曰此雖非所宜服然王之所施不可棄也王聞益加敬謝靈運篤好佛理殊方俗音多所通解嘗以經中字音求證於師因爲著十四音調梵漢昭然元嘉十六年無疾告衆曰吾將行矣卽面西合掌而亡衆見臥內一金蓮花候爾而隱春秋八十五

### 曇恒法師

法師曇恒河東人童孺依遠公出家年甫十三便能講說內外典籍無不通貫德行清孤物情推服常有群鹿馴遊座隅自入廬山專志淨業義熙十四年端坐合掌厲聲念佛而化春秋七十二

### 道炳法師

法師道炳潁川人陳氏幼出家爲遠公弟子該通經律彙明莊老志節孤峻言與行合念佛三昧究心無間義熙十四年豫章太守王虔入山謁敬請爲山中主用紹遠公之席衆以道源法嗣咸知宗仰元嘉十二年集衆念佛就座而化春秋七十一

### 曇說法師

法師曇說廣陵人幼從遠公出家勤脩淨業兼善講說註維摩經行于世常著窮通論以明宿修述蓮社錄以記往生又能別識鳥獸毛色俊鈍之性詞曉辨木枝幹甘苦之味妙盡其理人知其有密證云元嘉十七年集衆謂曰自建寺以來至此五十年吾之西行最在其後卽跏趺念佛百聲閉息遂絕春秋八十

### 道敬法師

法師道敬瑯邪王氏祖凝之刺江州遂從遠公出家年十七博通經論日記萬言每歎戒律終日難全願淨六根但稟一戒以爲得度之要遠公知其堅正許之篤志念佛蚤夜弗替遠公歸寂乃入若邪山宋景初元年謂衆曰先師見命吾其行矣卽端坐唱佛兩



化衆見光明滿室彌時方滅春秋五十二

佛馱邪舍尊者

尊者佛馱邪舍晉云覺明 罽賓國婆羅門種有沙門至其

家乞食。父本外道怒歐之遂手足攀壁。巫師謂曰坐

犯賢聖。即請此沙門悔過。旬日乃瘳。因令邪舍出家。

時年十三。隨師行曠野與虎遇。邪舍曰虎已飽必不

傷人。前行中道果見餘骸。年十五誦經日至萬言。以

分衛廢業為憂。梵語分衛。晉言乞食。一羅漢來代乞食。年十九

誦經滿數百萬言。性度簡傲不為諸人重。至二十猶

為沙彌。復從舅氏學五明論世間法術。內衆外道皆明者一聲明二醫方明三呪術明四工巧明。有五明內五

五因明外五明者前四并同。后一是符印明。至沙勒

國待遇隆厚。既而羅什至乃從學。阿毗曇論十誦律

什隨母反龜。茲師遂留止行化符堅遣呂光伐龜。茲

執羅什師聞歎曰我與羅什未盡懷抱。今忽羸虜相

見。何期後十年師東至龜。茲盛弘法化。羅什在姑臧

遣信要之。師恐國人止其行。取清水以藥投之。呪數

十。言與弟子洗足。即夜便發。比日行數百里。追之不

及。問弟子何所覺。耶答曰唯聞疾風流聲。兩目有淚

師又呪水洗足乃止。既達姑臧。什已入長安。聞姚主

逼以妾媵。歎曰羅什如好綿續。何可使人棘林。羅什

勸姚主遣使迎師。既至別立省寺。于逍遙園四事供

養。一無所受。時至分衛。一食而已。時羅什譯出十住

經。師更相徵決。辭理方定。師髭赤善解。毗婆沙論。時

人號亦髭論主。秦弘始中譯出四分律。四十卷長阿含

經。二十卷義熙八年來廬山入社。後辭還本國。自罽賓

以虛空藏經一卷寄商客至涼州。

佛馱跋陀羅尊者

尊者佛馱跋陀羅晉云覺賢 姓釋迦。迦維羅衛國人。甘露

飯王苗末也。幼亡父母。出家為沙彌。年十六博學羣

經。深達禪律。嘗與僧伽達多共遊罽賓。達多閉戶禪

坐。忽見師來。云暫往兜率。致敬彌勒。言訖便隱。后益

見其神變。敬心祈問。方知得不還果。時姚秦沙門智

嚴至罽賓。觀法衆清淨。慨然東顧曰。我諸同輩。未遇

眞匠。將何發悟。即諮詢于衆。孰能遂我。祈請流化。東

土。僉應之曰。跋陀羅其人也。嚴乃要師。裹糧而行。經

歷諸國。至交阯。附舶循海。達于青州。東萊。聞鳩摩羅

羅